

Ո Ր Ո Շ ՈՒ Մ թիվ- 402
վարչական տույժ նշանակելու մասին

«24» օգոստոսի 2022թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ՝ Անժելիկա Վիտալիկի Հակոբյանի վերաբերյալ նյութերը.

Պ Ա Ր Զ Ե Ց Ի՝

ՀՀ ՊԵԿ հետբացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 333-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են կամերալ մաքսային ստուգում «ԱՐՍՍՈՒՍ ԳՐՈՒՊ» ՍՊ ընկերությունում և հայտնաբերել, որ «ԱՐՍՍՈՒՍ ԳՐՈՒՊ» ՍՊ ընկերության անվամբ թիվ 05100010/260821/0052050 և թիվ 05100010/270821/0052139 ապրանքների հայտարարագրերով ՀՀ ներմուծված «ԼՈՒՍԱԴԻՈԴԱՅԻՆ LED ԼԱՄՊԵՐ՝ ԵՐԿԿՈԹԱՌ, ԳԼԱՆԱՁԵՎ, ՏՐԱՄԱԳԻԾԸ 25ՄՄ-ԻՑ ՊԱԿԱՍ «STORCH» 28W, 18W» նկարագրությամբ ապրանքատեսակը հայտարարագրվել է ԱՏԳ ԱԱ ծածկագրի վերաբերյալ ոչ ճշգրիտ տեղեկություններով:

ՀՀ ՊԵԿ մաքսային հսկողության վարչության 13.07.2022թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-22-000100 որոշմամբ հաստատվել է, որ թիվ 05100010/260821/0052050 և թիվ 05100010/270821/0052139 ապրանքների հայտարարագրերով հայտարարագրված «ԼՈՒՍԱԴԻՈԴԱՅԻՆ LED ԼԱՄՊԵՐ՝ ԵՐԿԿՈԹԱՌ, ԳԼԱՆԱՁԵՎ, ՏՐԱՄԱԳԻԾԸ 25ՄՄ-ԻՑ ՊԱԿԱՍ «STORCH» 28W, 18W» նկարագրությամբ ապրանքատեսակը ԵԱՏՄ ԱՏԳ ԱԱ 8539 50 000 8 ծածկագրի (մաքսատուրքի դրույքաչափը՝ 0%) փոխարեն ենթակա է հայտարարագրման ԵԱՏՄ ԱՏԳ ԱԱ 8539 50 000 ծածկագրով (մաքսատուրքի դրույքաչափը՝ 5%):

ՀՀ ՊԵԿ հետբացթողումային հսկողության վարչության կողմից 20.07.2022թ. կազմվել է թիվ 0014-Ա կամերալ մաքսային ստուգման ակտը, որն ուղարկվել է ՀՀ ՊԵԿ իրավաբանական վարչություն:

Նյութերի ուսումնասիրությունից պարզվել է, որ ՊԵԿ Արարատյան մաքսատուն-վարչությունում թիվ 05100010/260821/0052050 և թիվ 05100010/270821/0052139 ապրանքների հայտարարագրերը ներկայացրել է մաքսային ձևակերպումների մասնագետ Անժելիկա Վիտալիկի Հակոբյանը:

2022 թվականի օգոստոսի 1-ին ՀՀ ՊԵԿ իրավաբանական վարչությունում Անժելիկա Վիտալիկի Հակոբյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է վերջինիս:

Վարչական վարույթի իրականացման ընթացքում «Սի Էյ Դի» ՍՊ ընկերության տնօրեն Վահե Աճառյանը բացատրությամբ հայտնել է, որ Անժելիկա Վիտալիկի Հակոբյանը հանդիսացել է «Սի Էյ Դի» ՍՊ ընկերության մաքսային ձևակերպումների մասնագետներից, որի կողմից ներկայացվել են թիվ 05100010/260821/0052050 և թիվ 05100010/270821/0052139 ապրանքների հայտարարագրերը: Հայտնել է, որ «Սի Էյ Դի» ՍՊ

ընկերության և «ԱՐՍՍՈՒՍ ԳՐՈՒՊ» ՍՊ ընկերության միջև կնքված մաքսային միջնորդական ծառայությունների մատուցման պայմանագրի համաձայն, «ԱՐՍՍՈՒՍ ԳՐՈՒՊ» ՍՊ ընկերությունը իրականացրել է բեռի նախնական զննում և հաշվարկ: «Սի Էյ Դի» ՍՊ ընկերության աշխատակից Անժելիկա Հակոբյանը թիվ 05100010/260821/0052050 և թիվ 05100010/270821/0052139 ապրանքների հայտարարագրերը ներկայացնելիս հիմք է ընդունել «ԱՐՍՍՈՒՍ ԳՐՈՒՊ» ՍՊ ընկերության կողմից տրամադրված բեռի զննման արձանագրությունը, որում նշված չի եղել լուսադիոդային լամպերի տրամագիծը, որից կախված է նաև ծածկագրի որոշումը, ուստի Անժելիկա Հակոբյանի կողմից լրացված հայտարարագրերի մեջ թույլ տրված սխալները իր մեղքով չեն:

«Սի Էյ Դի» ՍՊ ընկերության կողմից ներկայացված պատճառաբանությունները անհիմն են, քանի, որ մաքսային միջնորդական ծառայություններ մատուցելիս մաքսային ձևակերպումների մասնագետը պետք է տիրապետեր օրենսդրությանը և պահանջեր ապրանքի տրամաչափի վերաբերյալ տեղեկություններ, իսկ կապված տրամաչափից փոխվում է նաև ապրանքի ծածկագիրը: Տվյալ դեպքում մաքսային ձևակերպումների մասնագետի կողմից չի պահանջվել լուսադիոդային լամպերի տրամաչափի վերաբերյալ տեղեկություններ:

ԵԱՏՄ մաքսային օրենսգրքի (այսուհետ՝ Օրենսգիրք) 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար:

ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Սրտսագրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտարարագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտարարագրելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

«Մաքսային կարգավորման մասին» ՀՀ օրենքի 30-րդ հոդվածի 2-րդ մասի 3-րդ կետի համաձայն՝ մաքսային ձևակերպումների մասնագետի որակավորման վկայական ստանալու պարտադիր պայմաններից է մաքսային օրենսդրությանը տիրապետելը:

Ելնելով վերոնշյալից՝ Անժելիկա Հակոբյանը, որպես մաքսային ձևակերպումների մասնագետ, պարտավոր էր իմանալ, որ հայտարարագրված «ԼՈՒՍԱԴԻՈԴԱՅԻՆ LED ԼԱՄՊԵՐ՝ ԵՐԿԿՈԹԱՌ, ԳԼԱՆԱՁԵՎ, ՏՐԱՄԱԳԻԾԸ 25ՄՄ-ԻՑ ՊԱԿԱՍ «STORCH» 28W, 18W» նկարագրությամբ ապրանքատեսակը իրենից ներկայացնում է երկկոթառ խողովակաձև լամպ և ենթակա է հայտարարագրման ԵԱՏՄ ԱՏԳ ԱԱ 8539 50 000 ծածկագրով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային ձևակերպումների մասնագետ՝ Անժելիկա Վիտալիկի Հակոբյանը 2022 թվականի օգոստոսի 24-ին հրավիրվել է ՀՀ ՊԵԿ իրավաբանական վարչություն՝ իր

նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել է, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն չի ներկայացել:

Այսպիսով, գործի նյութերով պարզվել է, որ «ԱՐՍՍՈՒՍ ԳՐՈՒՊ» ՍՊ ընկերության անվամբ թիվ 05100010/260821/0052050 և թիվ 05100010/270821/0052139 ապրանքների հայտարարագրերով ՀՀ ներմուծված և ԵԱՏՄ ԱՏԳ ԱԱ 8539 50 000 8 ծածկագրով հայտարարագրված «ԼՈՒՍԱԴԻՈԴԱՅԻՆ LED ԼԱՄՊԵՐ՝ ԵՐԿԿՈԹԱՌ, ԳԼԱՆԱՁԵՎ, ՏՐԱՄԱԳԻԾԸ 25ՄՄ-ԻՑ ՊԱԿԱՍ «STORCH» 28W, 18W» նկարագրությամբ ապրանքատեսակը հայտարարագրվել է ոչ ճշգրիտ ԱՏԳ ԱԱ ծածկագրով մաքսային ձևակերպումների մասնագետ՝ Անժելիկա Հակոբյանի մեղքով, ինչի հետևանքով վերոնշյալ հայտարարագրերի մասով առաջացել է 178 861 ՀՀ դրամի չափով պակաս հաշվարկված մաքսային վճարներ, այսինքն՝ Արդա Կիրակոսյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 13.07.2022թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-22-000100 որոշմամբ, 20.07.2022թ. կազմված թիվ 0014-Ա կամերալ մաքսային ստուգման ակտով և թիվ 05100010/260821/0052050 և թիվ 05100010/270821/0052139 ապրանքների հայտարարագրերով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Մաքսային ձևակերպումների մասնագետ Անժելիկա Վիտալիկի Հակոբյանին (անձնագիր թիվ AV 0274795) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և տուգանել պակաս հաշվարկված մաքսային վճարների 50 տոկոսի չափով՝ 89 431 ՀՀ դրամ:

/վճարումը 900005024055 հաշվեհամարին, կող-19/

2. Որոշման մասին հայտնել Ա.Հակոբյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ ՀՀ վարչական դատարան՝ երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ